

# Ինչո՞վ է հիացած Այազ Մութալիբովը

*«Ազատ Վրաստան» թերթը իր Յուլիսի 17ի համարում ներկայացրել է Ա. Մութալիբովի եւ Ջ. Գաճախուրդիայի մամլոյ ասուլիսը Վրաստանի լրագրողների հետ, Մամլոյ ասուլիսում արտայայտուել են մտքեր, որոնք անմիջականորէն վերաբերում են մեզ՝ մասնատրապէս Արցախի խնդրին, ինչը եւ առանձնաբար ներկայացնում ենք ընթերցողի ուշադրութեանը:*

**ԱՅԱԶ ՄՈՒԹԱԼԻԲՈՎ.** Մենք կապեր ունեցել ենք Տեր Պետրոսեանի հետ, եթէ դուք նրան ի նկատի ունեք: Բաւականաչափ հանգամանալից ու բազմաթիւ կապեր: Վերջին անգամ մենք խօսել ենք երեք ժամ Կրեմլում: Զրոյցն ազանձին էր, որի ընթացքում մենք պարզեցինք մեր դիրքորոշումները: Ինձ հաճելիօրէն զարմացրեց այն, որ պրն. Տեր Պետրոսեանը ընդունեց ինքնավար

մարզը կառավարելու Բաքուի իրաւասութիւնը: Միեւնոյն ժամանակ, ես նրան յայտարարեցի, որ մենք քաղաքակիրթ հասարակութիւն ու պետութիւն ենք, եղել է ինքնավարութիւն, այն կը լինի, նշանակում է կը լինեն նաեւ նրա կառուցաւածքները, սակայն որոշ ժամանակ յետոյ, երբ կը լուծենք որոշ տարրերի այնտեղ ներկայութեան հարցը, որոնք խանգարում են ե՛ւ ձեզ, ե՛ւ ինձ: Նա բարձրացել է

դարաբաղեան շարժման ալիքով: Նա դա չի թաքցնում: Եւ ես նրա երեսին դա ասացի: Որոշ ժամանակ անց քեզ կը հարցնեն, թէ ինչո՞ւ Ղարաբաղը չես վերադարձնում: Ղարաբաղն այստեղ ազկայ է որպէս մանրադրամ: Աւաղ: Մենք պայմանաւորուեցինք դրական որոշ բաների, մամուլում փոխադարձ վիրաւորանքները սաւեցնելու շուրջ: Որովհետեւ չի կարելի զանգուածային լրատութեան միջոցներով ձեւաւորելով թըշնամու կերպար գնալ բանակցութեան: Չստացուեց: Դա եղել է Նոյեմբերին, իսկ Յունուարին մեզ մօտ յարձակումներ սկսուեցին: Ես չգիտեմ, թէ դրանք ում խմբաւորումներն են: Լ. Տեր Պետրոսեանն ասում է, իսկ ես կարող եմ

հաճոյքով նրան հաւատալ, որ նա չի իշխում իրադրութեան վրա: Միգուցէ այնտեղ կան ուժեր որոնք ցանկանում են խանգարել նրան: Բայց ԼՂԽՄի տարածքի վրա յարձակման, զինուորականների ըսպանութեան, ադրբեջանուհի-լրագրողի սպանութեան փաստեր եղել են, կան հրկիզման փաստեր: Դրանք չեն դադարում: Ինչպէ՞ս կարելի է այս պայմաններում խօսել որեւէ բանի մասին: Եւ դա անում են մարդիկ. Հայաստանում ու ԼՂԽՄում հանգիստը խռովողները: Մենք հաւանաբար կը պայմանաւորուենք այդ ուժերը չեզոքացնելու շուրջ: Յանուն ժողովուրդների հանգստութեան, մեր ձեցման: